



SAMOA

Faatulagaina o Aiaiga

- |                              |                                 |
|------------------------------|---------------------------------|
| 1. Igoa puupuu ma le amataga | 3. Ua faaoifiina le fuaiupu 10A |
| 2. Ua teuteuina le fuaiupu 3 | fou                             |
|                              | 4. Soloaiga                     |

**2015, Nu. 28**

**O SE TULAFONO e teuteu ai le Tulafono o le Penisini 1984**  
**(“o le Tulafono Autu”).** *[01 Setema 2015]*

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga** - E mafai ona taua lenei Tulafono o le Tulafono o Teuteuga o le Tulafono o le Penisini 2015 ma e amata faamamaluina i le aso e tuuina i ai le maliega a Le Ao o le Malo.

**2 Ua teuteuina le fuaiupu 3** - Mo le fuaiupu 3 o le Tulafono Autu, ia faaopoopo le faamatalaga fou lenei i le faasologa sao o le pi faitau faa-Peretania:

““suauu i aofaiga tetele” o lona uiga o so o se penisini ua faaulufale mai e avea o se suauu i aofaiga e sili atu i lo le 500,000 lita i le tausaga ma e aofia ai Kesi Penisini ua Faaliusuavai i aofaiga o le tai 500,000 lita i le tausaga;”.

**3. Ua faaofiina le fuaiupu 10A fou** - I le tuanai ai o le fuaiupu 10 o le Tulafono Autu, ia faaofi:

**“10A. Faaulufale mai o suauu i aofaiga tetele-(1)** E lē tatau i se tagata, e ese mai i lo se tagata fai konekarate, ona ia faaulufale mai suauu i aofaiga tetele, ae vagana ai ua i ai faatasi ma le uluai maliega tusitusia a le Minisita.

(2) O le maliega tusitusia:

- (a) e mafai ona tuuina atu faatasi ma ni tuutuuga pe leai foi; ma
- (b) e lē tatau ona taofia e aunoa ma se mafuaaga tatau e le Minisita.

(3) O le talosaga mo se maliega tusitusia, e tatau ona faia i se faiga tusitusia i le Minisita.”.

**4. Soloaiga** - I le amata faamamaluina ai o lenei Tulafono, so o se suauu i aofaiga tetele e faapea:

- (a) sa utaina i le atunuu na auina ese mai ai mo le toe utaina mai i vaa i Samoa; po o
- (b) o lo o i totonu o Samoa mo le kilia a le Ofisa o le Tiute,

o le a lē tatau ona noatia i le maliega a le Minisita i lalo o le fuaiupu 10A.

**O le Tulafono o Teuteuga o le Tulafono o le Penisini 2015  
o lo o faafoeina e le Matagaluega o Tupe.**

**Lolomiina e le Failautusi o le Fono Aoao Faitulafono,  
i le pule a le Fono Aoao Faitulafono.**